



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 23/21	Løpenr: 23/355
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret		

Val av utsending til KS (Kommunesektorens organisasjon) sitt fylkesmøte

Rådmannen sitt framlegg til vedtak:

Ordføreren blir Samnanger kommune sin utsending til KS sitt fylkesmøte. Varaordføreren blir vara utsending.

Dokument som er vedlagt:

Valg til KS
Fylkesmøter 2023 - Oversikt over møtene og kontaktpersoner
Informasjon til kommunar i Vestland om val til KS
KS vedtekter pr 25052023

Oppsummering:

I kommunestyret sitt konstituerande møte skal kommunen velja utsending og vara utsending(ar) til KS sitt fylkesmøte. Dei som blir valde må vera faste medlemmer i kommunestyret. Rådmannen tilrår at ordføreren blir kommunen sin utsending og at varaordføreren blir vara utsending.

Saksopplysningar:

Bakgrunn for saka:

Samnanger er til liks med alle andre kommunar og fylkeskommunar i Noreg (med unntak av Oslo) medlem i arbeidsgjevar- og interesseorganisasjonen KS (Kommunesektorens organisasjon). KS er først og fremst ein arbeidsgjevarorganisasjon som på vegner at medlemmene gjennomfører lønnsforhandlingar og inngår avtalar med arbeidstakarorganisasjonane m.m. I tillegg er KS òg kommunane og fylkeskommunane sin interesseorganisasjon i møte med mellom anna regjeringa og statlege styresmakter generelt.

KS er organisert ved at det blir valt regionale representantar/utsendingar til KS sitt fylkesmøte (fylkesmøtet i KS Vestland). Fylkesmøtet vel delegatar til KS sitt landsting.

Det går fram av KS sine vedtekter at val av representantar og vararepresentantar til KS sitt fylkesmøte skal gjerast av kommunestyret i det konstituerande møtet. Dei som blir valde må vera faste representantar i kommunestyret. I kommunar med inntil 3000 innbyggjarar skal det veljast ein representant (utsending), i tillegg til vararepresentant(ar).

KS tilrår at det i tillegg til den faste representanten bør veljast like mange vararepresentantar som representantar, pluss to ekstra.

Informasjonsbrev om val til KS sine organ 2023 følgjer vedlagt. Det går der mellom anna fram at det konstituerande fylkesmøtet for KS Vestland skal gjennomførast allereie 01.11.2023.

Vurderingar og konsekvensar:

KS skriv i det vedlagte brevet at ordføraren bør vera ein av kommunen sine representantar til fylkesmøtet. I og med at det for Samnanger sitt vedkomande berre skal veljast ein representant/utsending, bør dette vera ordføraren. Denne ordninga har også vore praktisert i Samnanger tidlegare. Det har tidlegare også vorte praktisert at varaordføraren blir valt som vararepresentant/varautsending, og rådmannen tilrår at dette blir gjort òg i år. Det har ikkje vore praksis i Samnanger tidlegare å velja meir enn ein vararepresentant (varautsending).

Konklusjon:

Rådmannen tilrår at kommunen held fram med same praksis som tidlegare. Dette betyr at rådmannen tilrår at ordføraren blir Samnanger sin representant (utsending) til KS sitt fylkesmøte, og at varaordføraren blir vararepresentant (varautsending).